

Broj: 06-03-1208-11/185/16
Mostar, 10.04.2017. godine

Na osnovu člana 21., člana 37., člana 84., člana 87. stav (1) i stav (2), člana 88. stav (1) i člana 93. Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 18., člana 40. stav (1) tačka c), člana 43. stav (1) i člana 49. Pravilnika za izdavanje dozvola („Službene novine Federacije BiH“ broj 2/17), člana 4., člana 5., člana 6., člana 8. i člana 9. Pravilnika o metodologiji i načinu obračuna regulatornih naknada za imaoce dozvola („Službene novine Federacije BiH“ broj 5/17) i člana 1. stav (1) Odluke o utvrđivanju procenta za obračun varijabilnog dijela regulatornih naknada za 2017. godinu („Službene novine Federacije BiH“ broj 26/17), postupajući po Zahtjevu za izmjenu i dopunu dozvole za rad broj 06-03-1208/185/16 od 28.12.2016. godine, podnosioca zahtjeva „NATRON-HAYAT“ d.o.o. Maglaj, Liješnica bb, Maglaj, u postupku izmjene i dopune Dozvole za rad - licence za obavljanje elektroprivredne djelatnosti proizvodnje električne energije broj 06-03-707/23/11 od 30.11.2011. godine, sa novim generatorom u proizvodnom objektu Energana 1, u sastavu kompleksa „NATRON-HAYAT“ d.o.o. Maglaj, Regulatorna komisija za energiju u Federaciji Bosne i Hercegovine – FERK je dana 10.04.2017. godine na VIII redovnoj sjednici donijela sljedeće

RJEŠENJE

1. Dozvola za rad - licenca za obavljanje elektroprivredne djelatnosti proizvodnje električne energije broj 06-03-707/23/11 od 30.11.2011.godine izdata Rješenjem broj 06-03-707-12/23/11 od 30.11.2011. godine imaocu dozvole „NATRON-HAYAT“ d.o.o. Maglaj mijenja se i dopunjuje, te glasi kao u prilogu koji je sastavni dio ovog rješenja.
2. Dozvola za rad izdaje se na period do 14.01.2022. godine, sa uslovima dozvole koji čine njen sastavni dio.
3. Sastavni dio ovog rješenja čini dozvola iz tački 1.i 2. ovog rješenja.
4. Imalac dozvole je obavezan platiti regulatornu naknadu za 2017. godinu u iznosu utvrđenom u Rješenju broj 08-07-413-02/17 od 30.03.2017. godine.
5. Imalac dozvole obavezan je platiti i regulatornu naknadu u dodatnom iznosu od 12,69 KM za 2017. godinu zbog povećanja ukupno instalisane snage svojih proizvodnih objekata.
6. Imalac dozvole je prvi dio regulatorne naknade iz tačke 5. ovog rješenja u iznosu od 3,91 KM obavezan platiti u roku od 30 dana od dana prijema ovog rješenja, a preostali dio regulatorne naknade u iznosu od 8,78 KM imalac dozvole je obavezan platiti do 31.08.2017. godine.
7. Imalac dozvole je obavezan plaćati regulatornu naknadu za naredne godine važenja dozvole na način i u iznosu koji utvrdi FERK posebnom odlukom.

8. O obavezi plaćanja regulatorne naknade iz tački 5. i 6. ovog rješenja imaocu dozvole će se polugodišnje ispostaviti obavještenje.
9. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

Образложење

Dana 28.12.2016. godine FERK je od podnosioca „NATRON-HAYAT“ d.o.o. Maglaj pod brojem 06-03-1208/185/16 primio Zahtjev za izmjenu i dopunu dozvole za rad, te 24.01.2017. godine pod brojem 06-03-1208-01/185/16 dopunu istog zahtjeva, u postupku izmjene i dopune Dozvole za rad - licence za obavljanje elektroprivredne djelatnosti proizvodnje električne energije broj 06-03-707/23/11 od 30.11.2011. godine, sa novim generatorom u proizvodnom objektu Energana 1, u sastavu kompleksa „NATRON-HAYAT“ d.o.o. Maglaj. Navedeni zahtjev je podnesen u skladu sa obavezom iz člana 4. Pravilnika za izdavanje dozvola („Službene novine Federacije BiH“ broj 43/14) da lica koja žele obavljati djelatnost proizvodnje električne energije u okviru FERK-ove nadležnosti imaju obavezu podnijeti zahtjev za izdavanje dozvole, te u skladu sa članom 46. stav (1) istog pravilnika kojim je propisano da se izmjene i dopune dozvole, po zahtjevu imaoca dozvole, mogu vršiti u slučajevima, te je članom 46. stav (1) tačkom c) propisano da se izmjene i dopune dozvole, po zahtjevu imaoca dozvole, mogu izvršiti u slučaju izgradnje novih proizvodnih objekata i/ili promjene tehničkih karakteristika postojećih proizvodnih objekata potrebnih za obavljanje licencirane djelatnosti za koju je postojeća dozvola za rad izdata, Članom 49. stav (1) Pravilnika za izdavanje dozvola je propisano da se postupak obnove, izmjene i dopune, oduzimanja i prenosa dozvole, osim prenosa dozvole za rad iz člana 47. stav (1) tačkom a) tog pravilnika, vodi na isti način kao i postupak izdavanja dozvole.

Dana 21.01.2017. godine stupio na snagu Pravilnik za izdavanje dozvola („Službene novine Federacije BiH“ broj 2/17) kojim je u članu 49. propisano da se neriješeni zahtjevi koji su primljeni do stupanja na snagu ovog pravilnika rješavaju po odredbama ovog pravilnika.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12 i 71/14), FERK je utvrdio da podneseni zahtjev nije potpun u smislu člana 12. Pravilnika za izdavanje dozvola („Službene novine Federacije BiH“ broj 2/17). Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi dostavio podnosiocu zahtjeva Obavještenje o nedostacima podnesenog Zahtjeva za izmjenu i dopunu dozvole za rad broj 06-03-1208-02/185/16 od 25.01.2017. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja.

Postupajući po obavještenju, podnosilac zahtjeva je dostavio dopis primljen u FERK 03.02.2017. godine pod brojem 06-03-1208-03/185/16, te dopis primljen u FERK 10.02.2017. godine pod brojem 06-03-1208-04/185/16, kao i dopis primljen u FERK 24.02.2017. godine pod brojem 06-03-1208-05/185/16, uz koje je dostavio traženu

dokumentaciju i obrazloženja, a na osnovu kojih je FERK utvrdio da je podneseni zahtjev potpun i da su se stekli uslovi za objavu obavještenja za javnost o nacrtu dozvole.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 16. Pravilnika za izdavanje dozvola („Službene novine Federacije BiH“ broj 2/17), a polazeći od člana 43. stav (1) istog pravilnika kojim je, pored ostalog, propisano da se postupak izmjene i dopune dozvole vodi na isti način kao i postupak izdavanja dozvole, pripremio Nacrt dozvole za rad za proizvodnju električne energije po zahtjevu broj 06-03-1208/185/16 od 28.12.2016. godine, podnosioca „NATRON-HAYAT“ d.o.o. Maglaj. Na osnovu člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj 06-03-1208-06/185/16 od 17.03.2017. godine usvojio Nacrt dozvole za rad za proizvodnju električne energije, te Obavještenje za javnost o opštoj raspravi o Nacrtu dozvole za rad za proizvodnju električne energije, kojom je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost dostaviti svoje pisane komentare na Nacrt dozvole za rad za proizvodnju električne energije na adresu FERK-a ili na elektronsku adresu, u periodu od 17.03. godine do 28.03.2017. godine do 16:00 sati, kao i da su lica koja imaju direktan interes učestvovati u postupku izdavanja dozvole, pod uslovom da im je interes različit od opšteg javnog interesa, imala mogućnost podnijeti zahtjev za sticanje statusa umješača na adresu FERK-a ili na elektronsku adresu, u periodu od 17.03. godine do 28.03.2017. godine do 16:00 sati.

Do ostavljenog roka za dostavu pisanih komentara i za podnošenje zahtjeva za sticanje statusa umješača, odnosno do 28.03.2017. godine do 16:00 sati, u FERK nisu primljeni pisani komentari na Nacrt dozvole za rad za proizvodnju električne energije, niti je primljen zahtjev za sticanje statusa umješača.

Na osnovu obrade Zahtjeva za izmjenu i dopunu dozvole podnosioca „NATRON-HAYAT“ d.o.o. Maglaj i dokumentacije priložene uz zahtjev, izvršena je izmjena i dopuna Dozvole za rad - licence za obavljanje elektroprivredne djelatnosti proizvodnje električne energije broj 06-03-707/23/11 od 30.11.2011. godine, sa novim generatorom u proizvodnom objektu Energana 1, u sastavu kompleksa „NATRON-HAYAT“ d.o.o. Maglaj.

U skladu sa članom 16. stav (4) i stav (5) i članom 49. ovog Pravilnika voditelj postupka je pripremio pisani izvještaj, te je isti uputio podnosiocu zahtjeva na komentare 31.03.2017. godine pod brojem 06-03-1208-09/185/16.

Podnosilac zahtjeva je povodom navedenog FERK-u dostavio 05.04.2017. godine dopis primljen u FERK pod brojem 06-03-1208-10/185/16, u kojem je naveo da je saglasan sa izvještajem voditelja postupka javne rasprave.

Izvještaj voditelja postupka dostavljen je članovima FERK-a dana 07.04.2017. godine pod internim brojem 06-08-170/17, na razmatranje radi donošenja odluke.

Dalje, članom 4., članom 5. i članom 6. Pravilnika o metodologiji i načinu obračuna regulatornih naknada za imaoce dozvola propisana je dinamika i način obračuna regulatorne naknade za imaoce dozvola za obavljanje elektroprivrednih djelatnosti. Članom 8. istog pravilnika između ostaloga je propisano da će FERK svake godine, nakon usvajanja Budžeta od Parlamenta Federacije BiH, posebnom odlukom utvrditi procenat p (%) za obračun varijabilnog dijela regulatorne naknade za tu godinu, kao i da će se procenat za

obračun varijabilnog dijela regulatorne naknade primjenjivati do donošenja nove odluke nakon usvajanja budžeta za tekuću godinu. Članom 9. Pravilnika o metodologiji i načinu obračuna regulatornih naknada za imaoce dozvola propisano je da će se novim imaocima dozvola za obavljanje elektroprivrednih djelatnosti i imaocima dozvola iz člana 6. stav (1) tog pravilnika iznos regulatorne naknade utvrditi izdavanjem pojedinačnog rješenja u skladu sa članom 5., članom 6. i članom 8. tog pravilnika. U vezi sa navedenim, članom 1. stavom (1) Odluke o utvrđivanju procenta za obračun varijabilnog dijela regulatornih naknada za 2017. godinu broj 08-07-413-01/17 od 30.03.2017. godine utvrđen je procenat od 0,1107351% za obračun varijabilnog dijela regulatornih naknada za 2017. godinu, koji se primjenjuje na ostvareni/planirani godišnji ukupni prihod od elektroprivrednih djelatnosti imaocima dozvola koji obavljaju elektroprivredne djelatnosti, osim imaocima dozvola za rad za proizvodnju električne energije čija je ukupna instalisana snaga do uključivo 150 kW, a sve u skladu sa članom 5. Pravilnika o metodologiji i načinu obračuna regulatornih naknada za imaoce dozvola. Kako je Rješenjem broj 08-07-413-02/17 od 30.03.2017. godine „NATRON-HAYAT“ d.o.o. Maglaj kao postojećem imaoцу dozvole za rad za obavljanje elektroprivredne djelatnosti proizvodnje električne energije utvrđen iznos regulatorne naknade za 2017. godinu u iznosu od 1.581,72 KM, isti je zbog povećanja ukupno instalisane snage svojih proizvodnih objekata u skladu sa članom 4. stav (2), članom 6. stav (1) i članom 9. Pravilnika o metodologiji i načinu obračuna regulatornih naknada za imaoce dozvola obavezan platiti i dodatni iznos od 12,69 KM na ime regulatorne naknade za 2017. godinu. U skladu sa navedenim, ukupan iznos regulatorne naknade koju je „NATRON-HAYAT“ d.o.o. Maglaj obavezan platiti za 2017. godinu u skladu sa tačkama 4. i 5. ovog rješenja iznosi 1.594,41 KM.

Uz navedeno, FERK je uočio i potrebu izmjene i dopune navedene dozvole za rad na osnovu člana 93. Zakona o električnoj energiji u Federaciji Bosne i Hercegovine, a sve u javnom interesu. FERK je ocijenio kako je opravdano izvršiti određena usklađivanja dozvole za rad sa odredbama Zakona o električnoj energiji u Federaciji Bosne i Hercegovine, a takođe i sa odredbama FERK-ovog Pravilnika za izdavanje dozvola („Službene novine Federacije BiH“ broj 2/17). Kako je predmetna dozvola promijenila naziv u dozvolu za rad za proizvodnju električne energije, kao i zbog potrebe izmjene i dopune više od polovine uslova dozvole za rad, radi preglednosti i lakšeg razumijevanja izmijenjenih i dopunjenih uslova dozvole, te radi ekonomičnosti i efikasnosti postupka izrade, donošenja i objave dozvole za rad, a sve imajući u vidu zahtjev podnosioca i javni interes pristupilo se izradi i usvajanju izmijenjene i dopunjene Dozvole za rad za proizvodnju električne energije imaoца „NATRON-HAYAT“ d.o.o. Maglaj, koja je sastavni dio ovog rješenja. Uvažavajući sve naprijed navedene razloge, predmetna dozvola za rad je izmijenjena i dopunjena u skladu sa zahtjevom podnosioca, te je usklađena sa odredbama naprijed navedenih Zakona o električnoj energiji u Federaciji Bosne i Hercegovine i navedenog Pravilnika za izdavanje dozvola, s tim da je period važenja dozvole za rad ostao nepromijenjen. Postavljeni uslovi, u skladu sa članom 26. i članom 27. istog Pravilnika za izdavanje dozvola, stvaraju obavezu „NATRON-HAYAT“ d.o.o. Maglaj da u rokovima propisanim u tim uslovima dozvole za rad za proizvodnju električne energije iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNIK FERK-a
Mile Srdanović